

偶

齋

詩

草

偶齋詩草外次集卷上

飯眠集

乙酉

宗室寶廷竹坡詩

湖樓賞雪集詩牌

芳池添新流柳色黃金淺晴雪隱長松峰頭墨一點

元夕同公玉壽富踏燈聯句

今年元宵燈月明不知明年誰死生元宵燈月年年有  
今年不死且飲酒公燈正明兮酒正滿明月在天行應

緩燈光月影兩相照醉後擲杯同遊眺

偶

傾城士女奔

若狂東風滿路胭脂香燈火照春夜不冷迷離難辨春

星影

壽

人生能遇幾元宵莫將燈月輕荒拋聯臂蹈歌

行歸去燈搖月暗風吹樹

公

春感同汝明集詩牌

寒盡水開凍南望頭重搔蕉山何處是金鼓隱風濤

芭蕉

山在閩海五虎門  
外法夷駐軍處

春日即景同公玉集詩牌

春寒少遊興二月戀重棉水淺開冰晚花新得雨先柳  
枝分遠岸草色逗芳田閒步添詩意風聲入紙

清明與公玉咀香汝明登高梁橋樓

餘寒包韶光深藏不許見生機難強遮草色露一片清  
明今已屆三春倏踰半佳辰聊踏青閒遊喜有伴登樓  
試一眺冷氣侵人面風驕麥增憂雨吝花空盼楊柳善  
迎春暗自舒金綫慨茲時物殊默然獨長歎倚窓看三  
山模糊不能辨

雪晴同又章富壽遊昆明湖

西湖凍早開一綠淨到底微風蕩殘冰新波重不起連  
峰帶餘雪照影白滿水野田融宿潤無雪雪意在愛茲  
風景好逾增湖山美豐年已有徵相顧更色喜

昆明湖與公玉集詩牌

隔岸金牛睡湖邊人自行樹稀露漁艇花滿隱鶯聲遠  
塔上殘日斷霞催晚晴甕山依舊碧園草感時生

春晴與子美鏡寰公玉韻清集詩牌

陽和天氣暖向晚出遊宜一夜新雨過數峰斜日遲池  
蘭舒碧葉圓杏逗胭脂芳徑尋春意臨風立少時

季春之望遊西山和公玉韻

烟霞真有癖行樂忘艱辛忍負春如海欣逢月滿輪鶯  
花嫌老病山水愛閒人莫說來遊易登臨亦夙因

冷家莊題壁

花多無定色千樹成一叢斜陽互相映難辨白與紅僧  
樓高栽栽藟起花當中真居衆香國四面圍天風

廣化寺山坡靜室題壁用去秋韻

春花與秋葉平分鬪顏色兩面開畫本燦爛豔丹碧山  
靈筆墨超自然去雕飾隨時翻新樣天工妙組織去秋  
看霜葉攀躋詡筋力哦詩題破壁疎狂樂已極今春復  
看花勇與去年敵吮毫和舊韻再留鴻雪跡問身愧無  
用勞瘁何足惜

聯句

樹杪秋風起殘陽入小溪伯山昏知日近野曠覺天低

壽

酒任老夫飲詩隨兒輩題偶閒遊忘歸去回首晚烟

迷少

秋夜

雨歇夕雲散天高秋色清  
霜氣淡如水月落星倍明  
老屋荒無倚草木紛滿庭  
涼風吹枯蒿時作落葉聲  
夜靜寂無人獨立依前楹  
病蛩凍未死牆角偶一鳴  
嗚然念節序寒暑倏變更  
百年長幾許聊爾安此生

九日偕鏡寰公玉少甫稚甫大兒二兒飲八里莊

酒家醉後登摩訶菴東南石樓題壁

登高縱眺客懷開放眼神州亦快哉夕照帶烟連野盡  
遠山穿樹入樓來閒身可樂窮愁累壯志猶存髣髴摧  
餘得村醪載歸去再呼老妾共餘杯

又分得少字韻

仙藥不如村酒妙能使老年人返少翁童聚飲野墟傍  
白髮朱顏共諧笑詩老舊詩牆尚存卅年重讀慚昏耗  
紗籠袖拂雨無緣主賤賓貧人共笑

酒家壁有鏡老詩  
咸豐丙辰重九後

題  
醉來欲和不成篇把手登樓聊遠眺推窓一望老眼  
開樹外西山先我到烟嵐歛入石骨出一片寒青凝落  
照樂極愁來酒上湧舊事棖觸紫悲悼去年今日波正  
揚戰場菊開哭蠻嶠幸值昇平烽火燿令節登臨相嘯  
傲閒身不妨圖苟安越分杞憂枉貽誚東南迴首望天  
涯海雲漠漠迷邊徼

九月晦雪

明日立冬

滕六性比赤松蹤瓜期未屆捷足到天公安排饒白帝  
祖帳先時張玉戲青女技拙妬不得剪水爲花稱秋色

莫愁明月盡今宵  
夜光不許秋窓黑

初冬與芷亭聯句

日落大風定空庭添暮寒

偶

談深忘路遠坐久怯衣單

芷

無用一身贅有家諸事難

偶

同茲落塵網猶幸著黃

冠

芷

十月三日芷亭來時誦經戒飲

閒身疏嬾慣苦樂少人知  
老近晨起晚家貧午飯遲  
客

來不飲酒坐久且聯詩  
相約開新社依旬作課期

與芷亭公

王大兒開詩社名戊因芷亭  
冬季誦經百日常暈酒惟戊日  
不誦經來舍作詩

訪黃再同偶成

厭聽繁華事城中  
新徙居養鵝聊當鶴  
賃屋爲藏書有志  
當如此無能孰似余  
敝廬喜相近走訪不須車

答錫蘭臺

時需次杭州

彩雲一朵落天涯  
翹首泉唐別思餘  
舊夢常懷覺山月

少嘗同學覺

山靈光寺

餘生都付瀾江花  
讀書似我真無用  
登第

如君亦可嗟

蘭臺以歸班知縣五年始得分發孤身赴省

旅館遙知蕭瑟甚

西湖孤負好烟霞

盆菊聯句

同白石子美作未終而去余足成之

高士困拘束風度終出塵偶怪石勵勁節蒼苔滋丰神

石富貴媚金屋高曠宜瓦盆美莫嫌杯水澆亦同雨露

恩偶深幃拒冰雪燈影搖霜痕石辨疏見金爪朵小團

玉環美可憐落英少難飽靈均餐偶有土勿笑淺本是

柴桑根徑荒誰弔陶圃老同笑韓瓦礫身暫托骨聊

幸存傍觀詭器小佳色非等倫勉旃慎晚節位置安足

論

子美扶病來偶齋看菊

春芳不如秋芳妍少艾自古輪暮年妖韶女老尙儻態

笑他公子徒翩翩強詞奪理君莫笑請觀菊花當謂然  
慨君清貧竟勝我舊物僥倖餘青氍毹病壓久染成紫  
無人代舐慚權門子美病瘳故調之望衡相處歎契濶市月不

聞歡笑喧昨朝扶杖此看菊主人不在花無言作詩酬

花兼贈我清詞佳色相新鮮花名標榜本遊戲吹求哂

我名心存

余嫌花肆俗傳花名多不雅戲改新名分標花上

閒人冷卉世共棄

不祥名字誰屑聞晚香豈是李唐物零落待飽三閭魂

嚴霜凍雪骨難傲回頭卻羨秋風溫讓他桃李自得意

向陽蜂蝶齊競奔

子美得余和詩復疊前韻見示亦疊前韻答之

菊花更比芍藥妍芍藥殿春菊殿年風霜滿天助孤傲  
蜂藏蝶避難聯翩今年寒早秋已雪泥爐先冬豫火然  
破裘未補遽着體花叢愧少香山氍毹來襍菊列遍室  
戀花終日慵出門詩儔卧病不相見空庭草凍無鳥喧  
投我新章類玉局往來酬答當晤言出色寫照色香肖  
對花一誦花增鮮吾思今菊異古菊夷種混襍真罕存  
世風改易草木變生晚反得閒見聞淵明往矣未及睹  
愛癖徒結誰招魂有花可餐酒可泛一觴入口飽且溫

與君同醉莫慮病人生趨死如驥奔

子美得詩又三疊前韻改五言見示亦疊前韻改  
五言一篇答之

春花早爭勝秋花晚取妍美人宜少女名士宜老年君  
鄰雖不富花多筮翩翩豈必小人爾君子交亦然賒來  
晚花多燦若唐殿邇因花致名士扶病登蓬門詩筒一  
再遞決戰相譁喧笑君老才盡氣竭改五言枯腸强大  
索數見已不鮮譬彼美人老色衰態僅存今年戰事停  
海濤靜不聞戰場花再開化生疑冤魂幸居長安地小

春天氣溫詩場終主戰持久誰先奔

芷亭道士來看菊見余與子美疊韻詩欣然依韻  
和之囑代示子美余不禁攷癢復作更四疊前  
韻效柏梁體呈芷亭并示子美

詩爭妍勝花爭妍詩成一刻花一年春秋花事看聯翩  
一疊再疊詩亦然家貧客舍寒無氈賒花招客常滿門  
朝夕花前醉呼喧論詩之外無禱言昨宵聯句花遜鮮  
前酬後詠皆可在對酒朗誦花如聞暗中或來古詩魂  
今朝日好花室溫有客不憚十里奔

芷亭觀距  
此約十里

和黃再同綠菊

禁體

文窓窈窕隔輕紗滿院西風不見花  
籬短渾疑秋草覆徑荒猶當老松遮  
插頭恰喜眉相稱壓髻堪憐態更加  
太息高人多菜色空留晚節向誰誇

綠菊傲聚星堂體禁用青黃紅綠及金玉翠黛等  
字

花神變化良不測故使秋花作春色  
殊衆羞因夏雨生違時嬾借東風力  
竹籬掩映望難真淵明魂來覓不得  
徑荒誤認覆松陰露泃渾疑沾柳汁  
京華貴家尙菊花

花農接換要重值不期逸種出窮居無心得之非藻飾  
應是萇宏血未乾化花特給靈均食落英掇得幾端詳  
猶當朝蘭開達夕采來盈掬不終朝照影寒潭淡無跡  
醉歸滿髻插不羞聊代搔頭人莫識牡丹且勿比歐家  
彼以富貴此隱德晚節相期耐歲寒萼華作友增三益  
與子美飲酒聯句詠菊未終余已醉眠子美卒成  
之

陶籬種久荒韓圃容屢變海國遠搜求花農巧移換  
後出名紛紜羅列光璀璨金龍奮長爪玉女舒皓腕  
美

色壤比邱衣羽豐諸葛扇偶澄江夕照翻蒼嶺曉霞斷

美於菟血生髭菡萏粉塗面偶緱嶺聲初調長生醉方

倦手停綵線綠髻整妝鏡炫美雪深洛陽城霜滿吳江

岸偶香匙調稻粒碧玉剖瓜瓣美反而花常偏夢如絲

不亂香寒蜂厭抱蕊冷蝶難戀偶端如正士坐舞若天

女散美枝癯華轉腴骨傲顏逾嫩偶葉繁雲布地朵細

星列漢美色備染難肖形奇相疑幻品堪三友增花事

一年殿偶誰乞東皇恩吾與北風戰材奇求始出譜新

古稀見形容同短賦刻劃劇列傳鬪雞騁詞藻逐鹿較

文翰聯翩舉其大挂漏不止萬正則竟夕餐杜子三嗅  
歎偶爾壯夫爲用博君子粲

美

十月望後三日偶齋賞菊與巖賓芷亭白石公玉  
心竹步崖少甫壽富富壽分秋菊有佳色十字  
爲韻飲未終吉子猷亦至人浮於韻因戲依十  
字爲韻作七古一篇

偶齋孟冬猶殘秋時序已去花能留春花在梅秋在菊  
十月菊花仍滿屋苦寒晏序難得花四時有花窮人福  
偶齋今日稱富有有花有客兼有酒花佳酒佳客弁佳

酒熟花開客盡來，不有佳作劇孤負。詞聲倚罷拈詩脾，  
世閒惟有花真色。花中惟菊色傾國，燦然大備爭喧妍。

豈但丹黃兼粉白，新翻花樣更無雙。看朱不信真成碧，  
近年得變花色法能使黃花成碧色。香寒蜂蝶不敢侵，何須夙夜歌厭浥。

可憐絕代嗟遲暮，歎息淵明難再遇。拚將傲骨耐清寒，

欲把風霜當雨露。餐英泛酒同芳烈，有用何妨遭采掇。

和羹慎勿博時歡，致使魚腥汙晚節。

近年競尚菊羹以花伴魚未免唐

突隱逸余從末一效

朔風滿院歎淒其，遲謝原因開太遲。秋容已

老歲將晏，欲采不采能幾時。一例君休誇晚成，早遲有

數花莫爭請看得地向陽者未到重陽已著英

初冬擬劍南體

閒居多病壯心降朝夕銷磨借酒缸菊爲避風移入室  
人因就日坐依窗興來索句常忘韻醉後酣歌不擇腔  
晝短天寒無客到午眠每至暮鐘撞

送李瑩如學芬歸廣東

春風私嶺南十月先吹到癰仙帶雪開桃李凍難笑送  
君歸故鄉衝寒理征棹路經大庾嶺豫遣飛鴻報蕭齋  
有菊花枝殘骨猶傲

冰窖

陽暑普天同陰寒此地獨頒錫當南訛取藏緬北陸開

波探水精篝火剖澤腹納室日及三逆牆高分六

考工記匠

人困窮倉城逆牆六分註逆猶卻也築此者六分其高卻一分以爲殺

黃泉入隧通黑壤

周圍束低同月窟穿高類雪宮築三倍堆差幾千夫病

輒瘞儒寒咸陽坑囚陳閼鄉獄餐疑蘇雪氈積異陳倉

粟

史記秦之敗也豪傑爭取金玉任氏獨窖食粟

冷逼牛難鳴深遮鳥莫啄蟲

篤夏可語羔鮮春已告登如臺疊瓊入訝壺藏玉冰堅

取勿稽火出散須夙覆舟宋史傳納井唐書讀倚莫誤

泰山吹難回鄒谷重坎底羣陰恆寒忘時燠洞儼進清  
涼地豈嫌卑溥榜額宣瓊林銜頭兼玉局漫詡蘊精明  
慎防寒冷毒涸陰中久凝孤陽外空暴何人常在心所  
與皆食肉敢希七月章聊度三庚伏

龍須菜與子美聯句

嫩珊瑚網苔色融幾年入水萌蛟宮青銅海色如寶鏡

老虬初鐫根微紅美鼎湖攀急血墮地挺生如戟青有

鋒晶宮寶器珍卻老早朝閭闔先修容偶崛強豈甘纖

錦褥領下暗隱珠熊熊美入口美脆勝鹿角清香疑裹

腥涎濃

偶

登盤亦可匹鳳臚野人芹獻將毋同

美

星見

雨降飽甘澍菁蔥一片圍

皇穹

偶

昌黎形容擬籐杖

顏色那及邛州筇俗人誰復解培植出土已被芟除凶

美

庖丁技精過屠伯拔來假手勞菜傭曾聞割耳下生

李詎比作鱗皆種松爪長漫誇烏哀難角銳不數江南

葱

偶

窺妝應識眞俠客和藥曾復然唐宗

美

海絲并烹

笑厯亂石髮同煮嗤蒙茸張華鮓鮮敢輕食劉累殖美

難屢供何如微蔬且佳味元修偏嗜同髯翁惜哉諸葛

未知種飢卧土岡嗟腹空

偶

淨業湖酒樓同芷亭藝圃春觴全榮小酌分韻

相約登高樓聯吟展雙睫新寒著湖水一紙凍初合輕  
冰隔明月光浮不能入微風動枯柳時落未盡葉芷仙  
老轉俗喜操道士業有酒不學仙對杯不敢吸芷亭百  
日齋戒酒  
人生得幾何老近行樂急不醉無好詩未免負雅集

冬至日偶齋作消寒會醉後偶成

羲和怵凍趨捷徑天達三分二分剩長庚性躁啓明幃  
西早東遲縮旦暝新陽一動興天機鵲暗荔茁麋角摧  
人苦嚴寒歎陰慘草木鳥獸翻先知京華樂人多富貴

每到消寒例有會但爭飲食不爭詩雅集當筵工屬對  
偶齋賓客皆寒酸消寒作會詩爲先苦吟難成賒酒醉  
腸枯膽熱眞忘寒閒居詩外無餘事歲歲消寒詩具在  
若非詩卷紀年時幾忘消寒已四歲詩侶凋零年慚稀  
同城猶復悵睽違風雪滿庭殘菊綠酒涼盼得幾人來  
白頭道士童顏槁大守貧饑比我老消寒明歲阿誰邊  
有限歡娛忍歸早盼到陽生人盡喜我道春回又長齒  
餘生消得幾番寒強說人生行樂耳吁嗟乎盛衰聚散  
本常然今朝歡飲且加餐漫詡平生志不在人生溫飽

亦良難

借春

望春春來遲催春苦無術權把春光借一日消寒先列  
五辛盤東皇下視應粲然東皇慷慨春不吝先許梅花  
漏春信梅花借後借海棠魏家花紫姚家黃隔年借來  
改姓唐今年借明年償烘開花早春不長東風三月難  
再芳

霜樹集

乙酉

靈光寺題壁

并序

余與王芷亭道士文鏡寰王公玉宗子美志白石  
久有遊山約重陽後安排欲往諸君或以事或以  
病皆中止惟白石能踐前約善汝明甫落第聞之  
亦願偕行白石欲十四日往平坡山余聞大兒壽  
富云河西霜葉正盛遂於十三日偕汝明壽富先  
作廣化寺遊期次日會於靈光寺出城早飯飲醉  
下午始就道日短行緩夕陽將落始抵厥山慮河  
難夜渡不得已之靈光息焉日既暮有人笑入驚  
視之孫伯從也問之蓋伯從知余重陽後必遊山

今晨自潞河來京至舍聞余已行喜甚遂疾趨出  
城僱蹇至半途囊罄復步行數十里度日晚不能  
至河西姑投此明晨再行而不意余亦在此也余  
旣嘉伯從之雅興又歎人事無定雖一閒遊亦諸  
不能自主率成七古墨之壁上屬同遊諸人和之  
并待未來諸君再來補和焉

閒人閒遊無定處是山可登寺可住興來可往興盡止  
秋山何處無紅樹聞言廣化紅葉多呼兒約友西渡河  
酒酣行緩日已晚半途北折趨平坡平坡山平平且小

綠葉雖多紅葉少多原可愛少更珍胭脂淡點妝尤好  
雅人每被俗事羈遊約久訂多遲迴潞河農夫有遊癖  
一百里外西飛來未來者來去未去意外游蹤饒別趣  
寄語諸君莫忘天試看一遊亦有數我生好遊躁且貧  
熊魚弁欲思得兼禪房掃榻早安睡詰朝西上探雲嵐  
靈光寺題壁

閒身喜遊覽古寺歲經過地濕蒼苔久山晴紅樹多林  
泉恣詩酒海宇息干戈老近名心絕時平且嘯歌  
廣化寺山坡靜室題壁再疊去秋題壁韻

西山一夜霜巖壑倏改色晚妝脂點多眉峯不成碧秋  
娘不嫌老妖韶善華飾天然雲錦裳絢爛那勞緘去秋  
首留詩刻畫殫心力春遊勉疊韻枯腸搜已極馮婦三  
下車氣衰難虎敵聊爾踐前言鴻爪覆陳跡去秋題壁有明春再  
來當疊此韻語今春疊韻亦有今秋再來再  
疊語數見不鮮明春如能再來可弗疊矣詎矜詩才  
捷秋色良足惜

### 山寺秋夜

夜深悄立小溪邊淅淅陰巖響石泉塔帶月光明水底  
鐘隨風力上峯顛閒身歸隱知何日勝境重遊又隔年

仙翁詩集卷之八  
如此良宵莫孤負笑他詩客早酣眠

白石酒醉已寢

### 西山霜葉歌

聞說春雨有五色灑來花旋成我謂秋霜更比春雨好  
染成樹葉花難爭霜葉之色不一色丹青好手圖不得  
淺深新舊兼淡濃況復陰晴向背胥不同滿山金碧襍  
朱紫漫誇二月春花紅珊瑚何足方其鮮錦繡何足比  
其麗人云秋山本如妝粉黛脂黃閒珠翠我謂此時秋  
季冬欲來秋山妝殘將就睡大地鋪成五采纈西風一  
陣吹上天化作蓬萊祥雲五色備人人但謂春光美秋

光勝春眞倍，徒不見籬邊五色放。  
茱萸笑他萬紫千紅，安可擬。

寶珠洞題壁

十六日重遊

兩番登絕頂，不憚陟層岡。  
古寺有黃葉陰崖，無夕陽。  
我生本遊癖，相約盡詩狂。  
取酒呼僧煮，待看明月光。

龍泉菴題壁

小坐聽泉聲，酒醉忽睡去。  
鳥鳴驚夢醒，松梢見紅樹。

秘魔巖題壁用白石和子美韻

神龍倦爲霖，山棲不入海。  
飯依學無生，對立巨石底。  
春

秋風景換山石終不改霜林色更佳四時莫與比昨遊  
廣化澗紅葉沒雙屣二君不敢偕失機枉追悔遊山勿  
畏難所戒怯與駭

九月既望同白石理齋昆仲汝明伯從少甫壽富  
富壽寶珠洞待月醉後偶成

夕陽滿地月飛起秋烟一抹圍天紫半規湧出東海頭  
尙留一半埋烟裏須臾海風吹上天一輪團團如鏡圓  
日光月光互相逼冰壺染透胭脂鮮憑闌縱眺西風涼  
暝色漸覺迷蒼茫羣山瞥眼忽有影日光倏變成月光

林巒澗壑皆如洗極目東南幾百里目光盡處白烟生  
一片迷茫疑大海秋寒何處來飛電八年舊景今復見  
戊寅仲秋既望夕與黃再同袁爽秋登  
此望月遠望東南低處時有光如電想是龍宮習戰

勤火攻夜練扶桑岸憶昔戊寅逾中秋同人結伴平坡

遊

是秋同遊張香濤幼樵陳伯潛黃堇映吳少嫺黃袁  
二君及余共八人惟余偕二君登此餘人待於靈光

寺

三人賈勇五人待爭詩競酒矜風流指彈勝集恍夢

寐新侶雖衆非舊儔分飛異地各萬里窮通各判同此  
憂今宵明月比昔好未知相望同我不閒身幸喜少束  
縛上况不逮下况優數年事變已如此前途漠漠爭自

由勸君痛飲休早歸及時行樂聊自怡他年此山再看  
月我輩當亦多別離

翠隱池夜步

山池倚峭壁幽黯連樹陰斜月射塔頂倒影明波心羣  
動寂無聲惟聞流泉音怪石對人立古洞衰草深閒步  
板橋下夜氣彌蕭森老近死無時怖恐心何侵

癡聾集

丙戌

黃漱蘭過偶齋見盆花屢問價賒贈之代柬

半生事業付閒花老眼昏迷興倍加移贈幾枝供下酒

花農憐我尚堪餘

廿日夜題壁用壁閒偉人詩韻

地爐微有火  
衾析靜無音  
獨酌不成醉  
寒宵忽已深  
帷燈表花影  
窸月讓牆陰  
倦卧對老妾  
寂然生道心

二月海棠

紅妝瑣碎點春霞  
拗就枝柯橫復斜  
博得早開無幾日  
可憐徒自作唐花

榆葉梅

長條生就劇纏綿  
無福調羹枉占先  
忝與梅花作同類

清高豈屑綴青錢

春草

王孫憔悴悵長離  
南浦回頭歲屢移  
火烈幸留根未盡  
春寒敢怨發偏遲  
薰蕕縱別同生地  
雨露難知且待時  
聞說瀛洲先已綠  
東風應律本無私

上已病腹不出與公玉韻清壽富分韻

世閒樂儘多  
在人善自取  
拘泥強求樂  
所樂不敵苦  
今朝乃上巳  
大風揚塵土  
值我又腹疾  
倦卧不出戶  
故人昨適來  
吟詩幸有侶  
分韻不拈闕  
少長以齒敘  
何必流

酒觴茶杯隨手舉差勝遠奔馳衝風坐水滸待遇佳日  
遊風止疾亦愈莫學博雅人行樂亦遵古

寒食同芷亭藝圃韻清壽富白石橋踏青小飲村

肆

安步過溪橋山莊憶白石風寒過花機雨晴增柳色曠  
野祭掃多佳節逢寒食枯髮繁草青朽骨黏紙白感此  
念人生哀樂終有極薄酒聊取醉靜觀空胸臆

和沈稼邨塲中題壁韻

有心橫海駕長風硯水濃磨戰血紅自有秘謀驚勁敵

何難杰作動宗工羣生塗炭兵戈裏萬國縱橫天地中

正要奇才濟時局非徒甲第重南宮

稼村在楊石泉副帥幕中甲申九月

左文襄未至謀以二千人渡海襲雞籠楊持重不許十月募死士謀挾水雷夜襲馬祖澳法船法人聞之遁去

春陰連日冷東風草長濃青花落紅酒得良儔拚大醉

詩逢大敵恨難工時艱至此天誰測人壽幾何年已中

慚愧閒身漸衰朽酬恩無計負深宮

洪晴川 作舟 下第歸金門 年六十一

高樓把酒送歸人萬里迢迢閩海濱下第何妨無那老  
罷官亦好但憂貧京華伏處聊尋樂風浪遄征慎保身

且莫臨歧歎衰病光陰轉瞬卽三春

醉後調子美

我生好爲詩同人罕我比平心論我敵姑數宗子美子  
美不我服曉曉爭不已一時何足云定論有千載功業  
旣遜人富貴不在已區區獨爭詩爾我亦可恥與君且  
飲酒餘生知有幾作詩自覓勞縱好徒爲耳

聯句

池泉留雨聲天晴響不絕

偶

幽靜清心神陰森悚毛髮

白

林疎天影補石碎苔紋結

美

新涼助秋風晴嵐增斜

日偶橡落使魚驚花開得禪悅白寒蟬曳殘聲野竹抽

長節美詩成莫浪題茗熟聊小息偶

斨雲復投二律依韻和之

古調違時莫枉彈知音自古歎艱難浮生本似駒過隙  
得第真如船上灘淚洒窮途枯尙熱心憂隱患夏猶寒

欲將贈別詩重寫只恐離人不忍看斨雲囑將前詩書扇

休將知遇感師門我亦今生負國恩攜伎那能希謝

傳書空久已笑深源莫嗟杏苑難同宴且喜桃源在近

村把酒不堪東望遠海風吹霧滿乾坤世外桃源水一村原作句

筆雲來辭同赴酒家小飲醉後聯句

人生作詩本無用心閒無用聊爲之詩人相遇例有酒

聯吟角飲君毋辭

偶

文章經濟愧灰鉢詩腸酒膽真吾

師一飲一啄具慈惠坡公戒殺皈蓮池

筆

恨無長劍倚

天外一揮熱血西溟飛坐視魍魎不敢殺雞魚烹割良

可悲

偶

卽小喻大參至理天心好殺胡已期近來殺機

日逾甚地雷震撼魚雷馳

筆

西方天竺久侵據世界極

樂同悲啼火坑霧毒法雨小恒河戰骨枯成堆

偶

地球

穿透九萬里六合混一原無奇海輪翻飛電燈閃鬼伯

雄長東南夷筆他族縱侈糜國債海疆習俗潛為移從

來國奢示以儉時局至此成漏卮筆代東山重為蒼生

出未容賭墅拋殘棋趨庭陪侍結童冠長公子亦阿翁

微哂裝聾癡筆吾師去臘作翁新歲名詩日癡聾集薰風催暑紅日遲羲

馭力瘁踰鳥飢吾儕醉飽恣歡笑酒醒忽憶行別離偶

大江東去片帆下登堂再拜將歌驪行行復止强為樂

今日不樂來日非筆三年迅速若轉瞬再期痛飲廣新

詩太平幸值免劫殺閒身多病愁早衰偶冥冥之鴻潛

息機洋洋之魚縱遊嬉古來萬事皆泡幻惟有飲者名

能垂 斃

謝黃漱蘭送酒

酒債貧未還欲飲苦難暢典衣聊一沽酒少不盡量愁  
飲難大醉喜君惠佳釀見酒心先喜未飲神已王大笑  
呼老妾爲我新大盞今宵拚醉死詰朝有人償

余夙不殺生前日與斃雲酒家小酌斃雲薰鳴下  
酒後知余戒作詩謝過依韻答之以廣其意且  
俾知余之戒殺非好佛亦非求福也

菜榜何須學子才且餐淨肉共銜杯死生不出百年內

人物原從一處來  
海國烽烟薰白骨  
邊庭戰血染紅埃  
民生物命皆堪憫  
豈爲同修般若臺

龍泉菴聯句

殘雲散空山  
晴日照林莽

白

禪關續勝遊  
古榭寄幽賞

偶喬松生夕陰  
寒泉滴秋響

美

密菁走猩蹠  
蘿薜聚魍

魍

白

不舍水長流  
無枝松自上

偶

忘形鳥去來  
得意魚

來往

美

濃陰戀石苔  
微風落林樛

白

勸月此居廬  
登山

空想像

偶

光陰幾刹那  
盛衰一俯仰

美

高人不可見  
倚

闌歌慨慷

白

與俞德甫志白石宗子美酒家小酌聯句

緇塵聚春明舊雨來今朝德分手甫幾載對面多二毛

白詩成淚潛拭酒入氣強豪竹出處爲人役半生嗟爾

勞美古歡聯永晝俗情忘我曹德貧病苦我孱詩酒辜

相招白敢云成雅集所幸無新交竹聯吟已陳跡抱病

方無聊美槐蔭綠如雲棗花香勝醪德風定簾影細日

暮爐烟消白雨多助草茂陰重忘天高竹唾餘愁寶狗

剥骨來鄰猫美放眼嗤井蛙吞胸吸海鼉德市聲任龐

禱促膝無喧囂白倦眸欲開難醉足須立牢竹莫笑少

年子今日方翔翺

美

登靈光寺新築臺

古寺舊讀書木石皆熟記新臺一登眺風景訝頓異眼  
界本無定高卑緣易地西峰應笑人我原如舊翠

偶齋詩草外次集卷八

霧看集

丙戌

宗室寶廷竹坡著

白石晚至小酌寺門石上醉後題壁索和

依稀景物十年前又是山中春暮天

癸酉春同白石公玉大兒壽富遊桃

源滴水崖時二兒尙未讀書今亦知弄筆墨矣

石澗風來聲似水花林月上影

如烟故人對酒休辭醉稚子知詩且共聯行樂及時惟  
現在迴頭萬事總茫然

廣化寺南山靜室題壁

扶筇上南嶺危徑不嫌賒澗遠微聞水山空但見花題

多牆欲滿坐久日將斜又踐前秋約身強敢自誇

廣化寺題壁疊前年韻

幽谷訪僧關到來塵想刪泉聲冷陰壑花氣暖春山境  
好詩偏拙身勞心轉閒今宵明月朗把酒更懽顏

雨中又登南嶺靜室

冒雨登南山行行雨漸歇憑高試一望山迴風逾烈俯  
見滿湖花仰見滿山雪

月下與白石少甫富壽花閒飲酒分韻

月下梨花開花下酒人坐當空孤月懸四面亂花裏但

見雪一片不辨花與朵微風偶然來飛雪滿杯墜酒酣  
卧花根那復知爾我

又成一首

楓葉宜夕陽梨花宜明月光色兩相合虛實化爲一對  
此太光明言辭無可說詩人强解事欲比霜與雪

冷家莊同白石曉步

曳屐徜徉步軟沙緣河小徑半欹斜依山寺古惟存塔  
隔水村遙但見花此日尋芳同覓句何年歸隱共移家  
相看雙髻皆如雪虛願難償笑太奢

冷家莊東寺題壁用去秋韻

昨朝好雨捲東風  
頃刻雲開日在空  
僧院苔青門不掩  
海棠已破二分紅

既望夜與少甫步翠隱池上

春宵不成寐  
散步池上行  
相對悄無語  
不知時幾更  
開目何所見  
惟見月色明  
傾耳何所聞  
但聞山泉聲

題葉集

丙戌

之西山途中與康步崖聯句示志白石索和

山昏天欲霜  
埜曠草先黃  
偶走馬秋風裏  
聯詩古道傍

步

寫憂遊最好尋樂老全忘

偶

翹首雲中雁南飛帶夕

陽步

之西山途中口占

秋深出西郭迢遞望禪關  
霜後換新樹雲中忘舊山  
好遊愁老近多病幸身閒  
賴有同懷客孱顏不憚攀

靈光寺偶成

尋幽恰喜有良儒小住靈光任去留  
新景又添聊悅目舊遊已過莫回頭  
雨餘溪漲難尋石雲裏山多不入樓  
霜葉不知搖落近猶將紅紫鬪殘秋

廣化寺南山半靜室題壁

欲雨不雨雲如烟羣峰暗澹不見巔霜遲木葉染未遍  
丹黃青碧紛爛斑廣化寺古隱山背嶺迴澗曲森陰寒  
花開時晚落葉早秋多春少得氣偏巍然斗室踞山半  
林巒錯襍羅眼前霜樹萬株足底立貼地如錦相新鮮  
去秋偕友一登此夕陽灼樹雲欲然

去秋同善汝明志  
理齋兒輩來此

今逢積陰日不照凍血漬霧凝朱殷殘妝欲褪黯無色  
黛濃脂淡癯朱顏乃知凡物貴近日舒慘異候爭輝難  
秋光遲暮剩幾日縱有氣色已可憐陰霾何事復相侮

北風一至行凋殘興闌下山不忍看癡想補約期來年  
擷秀山房雨中與白石步崖少甫富壽夜空偶成  
靜坐禪房夜欲中短檠一穗近窓紅濕雲浸樹滴成雨  
秋氣滿山旋作風得句且教兒輩錄好遊恰喜故人同  
閒身莫歎歡娛少寄興林泉樂不窮

擷秀山房窓外海棠十月復開

桃粗李俗羞爲伍欲共黃花香老圃淒涼誰與護風霜  
不比春陰堪乞取斷腸花小借芳名八月春遲不爾爭  
晚妝重整紅逾瘦夜永深愁睡弗成

秘魔巖題壁調白石

白石昨日先歸

春朝沈陰雨不霽羣山昏昏如欲睡大風吹醒山靈夢  
冷霧寒烟倏然退蛾眉曉起試新妝濃抹胭脂襍青翠  
殘紅可惜半凋零青女色嬌封氏忌我來策杖訪秘魔  
洗出秋山景新異烹茶巖下坐移時沾衣冷汗黏肩背  
朝陽久閉喜新開紅入霜林色增倍天與盧師設錦屏  
峭壁危崖鎮相對卻笑詩人罕遊郭飽看晴嵐讓吾輩  
詩成塗壁謝山靈半天紅雪隨風墜

霜降次日偕白石步崖由翠微山渡河至廣化寺

聯句用韓昌黎山石韻

凌晨策杖辭翠微羣峰出沒雲亂飛

偶

輕霜料峭作疎

雨綠楊陰瘦白草肥

白

流泉久浸石梯滑轍泥不涸車

馬稀

步

三家村店午餐晏麥飯黍酒療渴飢

偶

踏泉踐

石越峻嶺疎紅一幘明山扉

白

山腰有寺隔深淵秋湍

漱石烟雨霏

步

霜樹滿湖峭壁束錦罽鋪地屏四圍

偶

門前久坐四山暗冷翠無語侵人衣

白

尋山問水有真

趣名韁利鎖安能轡

步

路難行倦况天晚僧房高卧吾

不歸

偶

遊歸後三日白石復至平坡山和余廣化寺詩韻

見示亦疊前韻答之

晴霜滿樹山無烟攜詩同下平坡巔北風一夜凍秋雨

山靈縮首白髮斑

北山大雪歸途望之皓然

遊歸餘興耿未盡重登

有約拚衝寒

九月廿六日入山十月二日始歸連日陰雨白石嫌遊未暢訂初五日再往因歸途

冒風不爽未往

衣單病怯卧不出遊第獨占輪君偏歸來示詩

和予韻盛誇後遊良勝前霜痕日色併紅紫戰血光閃

金甲鮮開緘快讀羨且妬雅約累俗中惡然大儒見獵

尚心喜痼疾根觸懷增殷

借

暮秋山如半老女縱有豔

色非盛顏花貴半開葉半落遲早兩失時得難因病取  
妍妍亦病木石有知應自憐春花不如秋葉脆封姨旦  
暮行摧殘飢馴寒慣或弗死看花補約期來年

抱孫集

丁亥

二月十日復雪偕藝圃及兒輩復飲淨業湖樓招芷  
亭白石至醉後偶成示二君索和

詩人遊比春雪忙湖樓連日聯詠觴

昨日芷亭招飲湖樓作消寒八集

昨日賞雪恨少晏滕六畏日先遁藏天公喜詩墜癡意  
今朝玉戲俾重張興來踏雪復北去清景懼失如追亡

登樓呼酒快一望天水互映同蒼茫瓊瑤市岸繞四面  
琉璃一片嵌中央殘冰已解半復凍水銀蝕暗明鏡光  
高樓對岸連垂楊枯條弄色如秋黃波浪倒印漾金縷  
隔水閃爍疑斜陽南峰松雪迷青蒼樓臺金碧遮紅牆  
春山有意媚時世未秘先自成新妝酒酣坐久天將夕  
湖波不動茫深黑上天下水同一色愈見繞湖積雪白  
故人折柬招不來聯吟賴有兒曹陪桂林花多少六出  
佳景坐失難再追仙壇伊邇阻鶴駕師弟癡對良俗哉  
爭如舍人

謂藝圃

不解雅對雪痛飲看吟詩神仙不老亦

暮齒太守宦遊幾平聲萬里十年衣錦再同遊祇恐湖存

樓亦圯作詩索和勿憚煩自古人生行樂耳

移居松樹胡同賒海棠丁香梨花楊柳數株種院

中戲作

常貧多債不知難行樂心情老未闌誰管明年在何處  
今春且得有花看

極樂寺觀海棠用東坡海棠詩韻

海棠不比凡花木別樣傾城絕色獨豈爲桃李難比肩  
牡丹富貴終嫌俗古今題詠少佳詩寫照出色推鄭谷

紅霞一片隔長河但見花開不見屋卻怪坡仙誤此方  
呆寫繁華說臉肉東風吹破乍開紅春醉初醒睡未足  
天然清麗迥超羣絕代佳人擅明淑我來噉茗坐花間  
落蕊沾杯吸滿腹丁香潔白喜相依恰比梅花倚修竹  
可憐嘉卉棄荒園日日空開供俗目海棠興丁香開植  
花開紅白倍覺可  
人花時遊客甚夥酒  
肉雜陳對花大嚼京華仙種本異人豈必分根詔西  
蜀安得移花栽上林銜子誰能覓鴻鵠何須天涯始  
流落惱人慎勿同韋曲看花得句聊自吟漫疑臆物多  
枵觸

春寒

袖手立階下沈沈夜五更園林如雪霽星漢似秋明花  
信莫嫌晚棉裘重覺輕病軀禁不得怯聽遠風聲

三月晦日同鏡寰芷亭白石子美藝圃子嘉春舫

小酌淨業湖酒樓醉後偶成

白石將之任廣西  
乏行資不能行

天心不忍詩人離使君無錢行屢遲藉此偷閒得飲酒  
相將遊宴多賦詩送行有酒難盡醉不如未行且歡會  
興來今日登湖樓恰喜故人招皆至高樓高處同開樽  
季春已盡猶有春春光亦似惜離別欲行不行如行人

貧饒太守古常例未踐黃堂先積債可憐五馬枉尊榮  
乞貸維艱如我輩無錢難行君苦惱我意君行遲更好  
一日無錢一日留贏得同遊常醉飽詩壇故舊年漸稀  
少遊最少亦有髭當前懽聚已僥倖後事杳杳誰能知  
酒酣日晚東風起吹散殘陽滿湖水晴雲燒斷半成霞  
水心破碎春天花紫人世胡塗得最難愁能暫解聊求歡  
當杯莫說別離事祇作常時飲酒觀

又成八句

送春登酒樓樓高壓湖聳離懷默棖觸飲少酒氣涌日

落湖水明風微隄柳重遣愁勉聯吟詩翁有餘勇  
鏡寰先成

詩

和宗子美原韻

早晴逢首夏景物倍清新麥驗應時雨花留已去春  
途窮翻覓樂身賤只憂貧慚愧性迂拙無能分自循

昨到天泉寺花隨夏令新  
湖幽遲破曉巖冷久留春  
不土樹能活無田山亦貧  
早衰兼苦病行樂莫因循

伯石知余愛貓臨行以所畜白貓黑尾者留贈并

繫以詩感其意遂以贈別名之戲依韻以謝

三千金竟比荊州幸有張侯箸肯籌愛煞狸奴白於燕

臨行特爲故人留

伯石補官入闕月始貸得千五百金作行資到官以三千金償之故來詩

有投荒萬里赴宜州資斧艱難費運籌句傷哉

病中送綠菊與再同

靈均卧病謀食難落英拾盡空愁歎萋宏枯血化未竟

變成異卉供夕餐寒香珍惜不忍食割愛分甘贈楚客

再同原籍湖南

莫嗤憔悴改形容花與主人同菜色

季秋廿八日病中寄芷亭兼懷白石

舉杯大呼支離叟

芷亭自號支離叟

小春已近君知否今朝一

刻能千金有口何不飲酒

芷亭每歲自孟冬朔誦經  
百日清齋先一日卽不葷

酒

殘花憔悴如病人閉藏深屋難出門酒逋未償幸能

賁有花無酒花應瞋今年肉食賸一日未能學道先餽  
餒義馭加鞭嚇老蠶少縱卽逝愁行疾故人寥落今更  
稀死別縱免生亦離與君不死復不別懽娛有限當自  
知北風立海舟欲走酒腸倒翻饑太守人生大福莫如  
閒天與人閒忍孤負酒兵臨敵勿遲回我縱不往甯不  
來一日不齋拚泥醉道人身外本無妻

冷家莊夜步懷白石

山深夜彌靜迴望空寂然霜氣滿空山月照成白烟巖  
巒四圍繞仰視青天圓羣峰淡無色疎星明中天對此  
景清絕言念白石仙別離日伊邇同遊知何年人生各  
謀生常聚從古難

冷家莊早起

曉起出禪宮負手聊閒步朝日照疎林殘霜變清露風  
寒搖落早病葉不滿樹紅黃紛在地愛惜時避路炊烟  
起誰家徐上林深處

北山集附

偕又章之沙河觀賽會遂遊北山經清河早飯旅  
舍題壁和又章韻

疎狂自分過今生盛氣全平那用鴟等是閒身無所事  
繁華清淨總怡情

西沙屯口濟寺早飯後假僧車至德勝口獵戶趙  
姓導遊溝溝崖戲占示又章

我尋溝溝崖險遠不知處山靈喜詩人暗中默相助村  
僧憐我勞假車聊代步獵戶慮迷途爲我導前路何以  
酬盛情到處留詩句但愁無好詩人山兩辜負

自德勝口尋溝溝崖八里至瑞峰菴

策杖辭山村緣山行躑躅懸崖仰在望凌霄何矗矗淵  
轉近岡橫路迴遠峰縮峽口開西南連山忽中劖口狹  
不盈丈衆流一門束峭壁立相對斜亘隨淵曲睨視不  
敢進心動足趾踣陰風出有聲恐是魑魅伏遙觀疑窮  
途漸入又太谷羣峭圍行人險怪駭瞻矚尖豎石駢指  
穴透山怒目西峰巔數石駢立俗呼三道尖南峰巔一穴穿透俗呼南天門行行七八  
里古剎倚山麓誦經甘泉湧異蹟李耿續瑞峰菴無水女冠關姓者  
誦經祈求對面山忽出泉乃知誠可格醴出根豈夙瑞峰易瑞泉感

應欽靈錄

晚登溝溝崖

薄暮訪仙關危崖四面環流泉聞暗壑返照見前山老  
近足猶健身勞心轉閒中峰應不遠鼓勇共躋攀

妙峰游草

丁亥

妙峰下阻雨聯句

孤峰萬嶺心衆壑濕雲深不見峰巒影微聞鐘鼓音  
連朝矜跋涉一雨阻登臨滌淨風塵氣名山更可尋

又偶

妙峰下雨中卽景

小立東坡逸興賒淋漓破傘滿頭遮峯巔雨過半成雪  
湖底雲開時見花境僻奇詩吟不出天昏舊景認全差  
西風吹得棉裘透扶杖歸尋石徑斜

妙峰下偶成

冒冷尋佳景徐行石徑斜山村臨曲湖隱約見人家雨  
過雲滿地風來林有花磬聲松柏裏高唱正施茶

滴水巖和又章韻

一湖亘八里崖開人逕窮寺圍山侔壁石挾水懸空不  
到幽奇境安知造化工西山蘊靈秀盡洩此巖中

四月十四日同伯埏橋梓伯從壽富宿滴水巖偶

成懷藝圃雨亭兼懷白石公玉

去夏宿茲巖喜有二客共

去夏與藝圃二君  
阻雨巖中二日

連朝積雨

阻遊蹤濕霧沁山石骨重晚晴新月挂巖端青天橫裂

殘雲縫亂峰奇險驚心神詩魂夜出成怪夢

去年四月初六七日

連宿巖中次  
夜得夢甚怪

酒醒日出疾下山迴頭疑有山靈送今年

立夏

是日  
立夏

重來遊偕行又換新詩儔昨宵好雨喜恰止

濕嵐翠膩黏詩眸金飈捷足羈火令陽春纔過先如秋

朝雲已開幕復雨遊客欲行山強留客留雨去雲漸散

明蟾早待東山頭晚殄開門倚巖看舊境新景忽更變  
層崖環抱束月華巖深月少明暗半古佛默坐金有光  
風動藤陰倏隱現暗泉有聲疑人哭隨風落石斷復續  
泐逼樹塞昏不明遠近一色凝深綠憶昔攜兒來此山  
亦有二客同登攀

癸酉春同白石公玉壽富曾宿此巖

九齡稚子忽踰冠

彈指往事十五年少年不解身世感勝境重睹增歡顏  
俗累縈人誤遊覽

公玉藝圃雨亭皆有事故不能來白石已將之粵西

歲歲攬勝

輸吾閒閒身倖在苦衰病撫今追昔空長歎夜深興盡  
返禪室欲續舊夢恐不眠嗟哉人生本如夢一夢已過

尋亦難

再游詩草

丁亥

三家村閒步憶白石

村醪不成醉晚飯步河邊野樹暗新月山花明夕烟同

遊懷舊友迴首又經年贏得閒中樂林巒詔有緣

去春宿三

家村遲白石未至次日相見廣化寺今年白石補廣西太守無暇同遊矣

下愁兒嶺隔河望藥王廟

年來有例作春遊天許閒身得自由欲藉烟霞祛老病

聊將詩句寫心憂隔河村近難分路繞寺花多但見樓

振刷精神對佳景愁兒嶺過莫言愁

廣化寺題壁

我來廣化寺櫻桃花始開同遊興未暢悔此遊早來豈  
知花開始卽是零落機花開一滿樹轉瞬餘空枝究勝  
薄命花未開先殘擢果許樹長成有花何妨遲東風劇  
無情花神亦可哀費盡生育心榮華能幾時

廣化寺下花閒偕伯從少甫富壽飲酒

飲酒坐花中酒氣迷花氣停杯不忍斟恐把花薰醉酒  
入衰顏紅顏然忘老態醉眼看林花如向人生媚落英

墜酒杯悅口成花味殘紅一吸乾春色盈腸胃回頭望  
北山雲起雨將至雲將或妬人行矣休濡滯

廣化寺

官休囊澁難買山春秋有例常登攀西山近郊四十里  
方竹一枝時往還秋山如愁春山喜春色更比秋色美  
晚妝宜澹曉妝濃滿山染遍新紅紫廣化寺外多櫻桃  
錦繡遍地低復高桃腮杏臉笑粗蠶十三好女小且姣  
山容花色任消受擇花多處同飲酒借來山看不須錢  
花木烟雲皆我有山林本是公共物取用由來無盡竭

不須持贈任我遊休道山人自怡悅笑他多少山居人  
山居日日常閉門佳景看厭不知好山花滿樹空自春  
山人不解山中趣詩人愛山難久住可憐三百六十句  
春往秋來能幾度早衰多病困中年一回登陟一回難  
縱使年年不虛度餘生猶得幾來看

偶成

志理齋訂十九日來不至

清宵山寂寂薄醉自吟哦風定河聲出林空月影多故  
人思不至好景惜虛過休爲塵緣擾須知鬢已皤

夜作

風息山尤靜月明花盡開老僧渡河去半夜始歸來磨  
墨改詩草挑燈添酒杯惜將清景負欲睡復徘徊

下葦甸

扶筇尋葦甸予不知賒危徑壓流水奇峯帶亂花路  
窮通石澗嶺斷見人家小坐芳林下徘徊日已斜

冷家莊東寺夜起大風

睡起立禪院昏昏月不明雲深變山勢風急斷河聲老  
盡氣漸餒愁多心易驚無聊強就枕反覆夢難成

漸知非集

戊子

元日未旦與步崖壽富聯句

雞鳴歲云改老少同一驚

偶

駒光痛虛度馬齒嗟徒增

步

一歲復生機百年促死程

富

春新擲八日臍舊除三

更

偶

去臍廿三日立春

樽開星墮酒窓破風搖燈

步

花飄燭分

影竹爆天有聲

富

梅盆碎餘白柏戶分暗青

偶

鐘瘖喜

年在漏洄愁天明

步

聯吟消永夜隔歲新詩成

富

正月四日微雪至夕夜與步崖聯句

開年四日三日雪滕六奔走無暫歇天宮大酺宴羣仙

玉戲連朝慶佳節

偶

露舒雲捲天門開仙娥萬舞羽衣

潔興酣簪珥墜風輪萬斛瓊瑤光皎澈

步

羲和飲醉朝

儀忘披雲下視流目光崑崙頃刻變春色山陽積雨陰

凝霜

偶

玉龍銜珠戲天宇欲茹不茹吐不吐仙人撼杖

一揮之森然鱗甲隨風舞

步

天公好樂不敢荒陽春奏

罷天昏黃姮娥怯冷掩半面夜深獨自瓊樓藏

偶

齋

先生豪性濃夢中曾記遊蟾宮身披鶴氅一招手攜我

同步光天中

步

雲梯冰滑忽下墜迴頭歸來五經歲天

涯詩客聚今宵卽景何須思舊事

偶

吟詩師弟同懽娛

白戰不需寸鐵利他年禁體和東坡歐陽號令當年記

步

春夜病中作

夜深不成寐，破裘重壓身。  
孤燈暗不明，滿屋烟昏昏。  
小姬眠榻畔，蠟燭橫陳。  
欹枕心朦朧，虛室如無人。  
呼起溫宿藥，香氣撲鼻芬。  
燈光照雲髻，髻花殘尙新。

碧摩巖題壁

新歲尋幽有客同，凌寒索句坐巖中。  
松蟠峭壁護殘雪，澗夾危崖束急風。  
多病得閒聊覓樂，早衰未老儼成翁。  
上元甫過春方好，從此遨遊興不窮。

詠夢

酣然一枕漸朦朧幻境誰知色與空  
好惡可憐紛自覺悲歡從不許人同  
已忘猶記初醒後欲斷還連半醉中  
但願宵宵常化蝶餘年栩栩老花叢

湖上晚歸

濃雲過嶺來倒影湖水黑水底忽有光  
蒲葦明歷歷微風蹙細浪紫綠無定色  
舉首見餘霞參差透雲隙魚鱗染未遍  
胭脂閒深墨須臾返照盡蒼茫四山夕  
曳杖尋隄歸索句猝不得

我行歸何處投宿劉氏家草堂高無垣楊柳周圍遮荷  
塘隱微徑見葉不見花透迤穿荷入寂靜人無譁主歸  
僕亦睡露卧橫復斜此處乃收穫所主人家在東半里許晝來夜歸入室弛衣  
坐月影明窓紗夜深挹荷露酒渴聊當茶

七月既望病中與步崖聯句

二豎爲祟辜遊期鬼能阻遊難阻詩幽齋待月且聯句

詩成迅速嫌月遲

偶本擬今夕大通河泛月因病未果

月來不來苦羞

謚狂奴故態嫦娥知大呼明月爾遽上與爾痛飲三百

杯步開門忽見星光少銀河色淡天如掃一輪飛出東

林梢玉盤倏比前宵小

偶

酒仙忽來發狂叫病魔大哭

詩魔笑醉揮秃管寫奇句嚇破鬼膽驚詩妙

步

憶昔大

通曾泛舟水光月色昏醉眸低頭見天不見水明月倒

向天上浮

偶

舊遊已作風花瞥虛窓孤負今宵月人生

游歷亦有緣天涯何必怨離別

步

君怨別離我苦病病

中見君增詩興明年今宵君應歸同吟對月知難更

偶

月明不似舊時圓豈徒老人難少年趁今月明人未散

朗吟醉飲須陶然

步

正亭亡後五日攜少甫壽富遊翠微山宿靈光寺

連日阻雨悶而有作

年年遊山常暮秋今年秋盡方來遊明知時過少佳景  
匪云行樂聊寫憂老僧舊識許借榻一雨二日連不休  
山房癡坐興枯寂昏昏欲睡空垂頭午餐持盞強一出  
秋氣砭人寒凜冽泥滑草濕行路難彳亍扶筇步頻歇  
殘葉紫黯凝敗血亂石白濕洗枯骨暗風吹雨冷有聲  
點滴著衣如淚漬愁人更值景蕭瑟觸目那不增慘戚  
閒身老病萬念灰且將悲涼作怡悅吁嗟乎昔日遊人  
今已鬼遊約明春言在耳

芷亭病中言如得不死明春  
典衣售物必作翠微之遊蓋

正亭老而益貧常爲人誦經藉以自活又不能遠行有  
故余每約遊山多不能偕而性實好遊也傷哉貧也有  
山不遊徒誦經虛度殘生應自悔笑余多病今早衰只  
居餘氣能幾時年來遊侶歎漸少獨遊無興姑攜兒前  
車有鑒敢自誤愁中尋樂毋延遲明年花開幸不死重  
遊待作招魂詩

嶺秀山房夜起

疎雨不聞聲風吹塔鈴響開戶羣山明雲中月已上勞  
逸忘當境哀樂知追想萬事爭目前未來同既往閒身  
勿輕辜隨遇聊延賞

秋山

秋山禱樹多山遠見黃葉暮烟淡夕陽林深色相合古  
寺隱山坳貼山立白塔亭臺高復低隨勢成層疊行行  
不憚勞凝眺遊懷愜勝境許借樓舊交存老衲

山中晚歸

落日度西嶺暮色四野同餘光漏山缺一抹橫半空遠  
山隔河西頃刻色變濃迴頭望東岡絕頂峰獨紅涼風  
颯然至斷續聞晚鐘循途聊緩步覽景忘懋悰

初冬

夢醒更已闌風雨聲雜沓曙色上疎櫺殘燈猶在榻病  
弱骨生寒欲睡難交睫披衣開門看庭樹有黃葉

戊子游山詩草

廣化寺同步崖題壁

尋詩來僻境幽靜絕塵緣山遠花黏石林深日化烟重  
遊偕勝侶題句憶前年風景春秋異迴頭一惘然  
丙戌秋與  
步崖來此看霜葉題壁詩尙  
存第四句原作峰高樹上天

廣化寺題壁

古寺隱山坳流泉繞窓戶聯吟詩未成相對坐無語微

風花閒來山雲欲作雨

南莊夜起看月

月上梨花明遠近皆可見白雲起後山頃刻前山遍散  
入梨花中雲花渾莫辨輕風忽吹來月光露一片

雨後自南莊起滴水崖中途雲復大作到崖小憩  
冒雨而歸戲成長歌

我來巖下不計數新奇習見皆成故山靈好奇過詩人  
幻出奇觀索奇句出門雨止天欲晴巖頭雲破半日明  
入峽數轉雲復作策杖鼓勇穿雲行峽門初入雲如霧

漸深漸覺雲塞路舊遊熟路久慣經忽似新來盡迷誤  
行行四顧心模糊恍疑身入八陣圖陰兵十萬四圍繞  
奇形怪狀如有無瘴香擁鼻眉稜痛熾烟冷漬衣裳凍  
魂搖魄撼冷神昏白晝如宵醒如夢黑雲一片當空來  
壓頭直下頭欲摧近觀始識巨峯影石骨瘦削雲增肥  
行盡八里人不逢妖杏一樹遮道紅疑是老魅嚇遊客  
欲折不敢心忪忪雄雞一聲鳴天外寺門知近迷所在  
尋聲覓徑徑復歧南折北轉東旋西危巖萬丈突山半  
山趾山巔皆不見憑虛迴首忘在山海氣茫茫無畔岸

道人病臥瘳如鬼神吟飲客燒泉水小憩雲端不敢留  
冷翠襲人擎雙齒歸途雨作行更艱履破巾沾起復顛  
霹靂一震萬壑動重雲奔出欣生還下山迴望雨亦止  
奇峯雲散斜陽殷

西山襍詩

故人半死亡存者盡衰老重以多別離遊侶日漸少無  
聊攜兒子相從解煩惱門生皆能詩同遊亦良好西山  
百里內到處恣旋繞但覓佳處遊夷險不擇道有詩則  
題壁口占不起稿行倦卽止宿粥飯同一飽豈其博奇

觀聊藉抒懷抱餘年知幾何好遊須及早

地僻山無名寺古人罕知遊人不到處景物多幽奇足  
力喜猶健多病身未衰高峯與深谷乘興任所之豈不  
覺辛苦身勞心不疲人生貴適意節勞欲何爲水近石  
多峭山深花遞遲春光本無定地勢更天時在山六七  
日游蹤屢遷移漸進山漸深此落彼已開境以數易新  
景以猝見奇尋春有妙訣時貴得其宜

我愛桃源村梨花無襍樹月明花滿山積雪行無路我  
愛三家村亂花開一處入目無定色交枝遮復露地異

景不同各自有佳趣可悅斯爲美執一毋乃固

曉晴天氣佳遊興勃然動策杖出荒村東峯日初湧泉聲曲澗急山色陰巖重好遊不憚勞老近力猶勇

久病不妨遊腰腳如舊好同行皆少年好遊不知老山深無麥飯脫粟食亦飽登高消食易食早飢亦早村店隔尙遙忍飢走長道筋力頓疲乏氣餒強難矯大聖曾飯糗古賢亦餓殍我輩何如人枵腹奚煩惱一笑語山靈餓死事原小

出山迴望山遠看山尤好巖迴樹如苔峰高花似草獨

秀何崔崔特立出雲表連山亘不斷蒼翠四旋繞秀色  
誠可餐腹飢眼已飽莫笑此中空迴腸盡詩稿

南莊

南莊景物劇清華結伴尋春逸興賒嶺背雨晴添草色  
峰坳雲破見梨花詩因和韻心思澁人爲登山飯量加  
休慮漫遊無處宿流泉聲裏有農家

山行

春暮山行好東風拂面溫花林多傍水野渡每依村徑  
仄人相避田荒草漸繁同遊自索句款步各無言